

13.03

龍溪縣志

卷九至卷十二

以縣志卷之九

恤政

政以恤名惠窮民也水旱饑饉窮於災籩條戚施窮於疾幼而無哺則窮於始孩耄而無歸則窮於鬻景露處者生而窮也露骨者死而窮也是雖天禍豈不賴人救之脩哉

大聖人子惠元元無一物不得其所民熙熙然登春臺矣而下至閭巷亦體惠鮮之懷行任恤之義是編首紀

皇仁而有司之承流與里黨之好行其德者亦以



及馬志恤政

國朝康熙十五年 康親王疏免福建十六年分併以前錢糧

二十五年九月

詔免福建本年未完錢糧併二十六年上半年二十七年下半年錢糧

四十九年大旱

命部院大臣發漕米三十萬從海運分賑漳泉福興四府又

詔免福建四十八年以前積逋金免五十年錢糧

雍正四年饑知府耿國祚開倉平糶信捐煮粥以活餓

者計隆遠記畧丙午饑十米直錢二百七十文公廣  
為章程奇日給婦老偶日給丁壯老人婦女雖同日  
而異其處公親履五局凡三匝月不怠糶倉穀四萬  
七千六百餘石復割清俸百金為倡諸當事及紳士  
共輸白銀二千七百五十兩設廠煮粥仍區別男女  
毋相混共事者知縣魏彪經歷陳文顯縣丞朱汝鑑  
典史丁進驛丞蔡士達教諭黃道泰進擊崔鳳鵬  
陳璋紳士鄭之良吳開業王材李五達王純許鳳騰  
黃應甲郭元龍陳春澤何士鈞吳許煥盧炳勳許隆  
遠張福永許本巽郭福等  
林啓泰郭相第曰堪等

乾隆五年奉

旨允閩浙督臣請將浙江漕米截留十萬石赴閩省以

裨緩急之計龍溪得米二萬四百九十八石



六年

詔將康熙五十五年起至雍正四年止帶征民欠地丁

銀概予蠲免

龍邑自五十五年以後並無積逋雍正五年輸納舊欠四百四十八兩旋奉

恩詔即將此項留抵七年正賦額

十一年

恩詔蠲免龍溪縣錢糧四萬三千六百十二兩零

二十二年秋旱二十三年復大旱督撫兩次奏請招商

往臺灣及溫台諸府採買倉穀平糶

俞旨允行二十四年又議各邑歉收地方有司招商赴

延邵二府販運接濟民食

按是時臺灣溫台海運維艱各縣辦賑者知縣商

敦和延請紳士富商多方勸諭人咸其誠且急於  
 梓之誼踴躍爭先臺灣買穀額二萬五千石任其事  
 者紳士鄭蒲陳文芳謝啓達謝振燦錢時洋黃衛觀  
 楊世賢陳子文林必瑞張祐觀黃秉觀陳恩觀溫台  
 二府買穀額一萬石任其事者士商王文濱鄭長炳  
 吳登輝延邵員穀額二萬石任其事者士商鄭長俾  
 謝啓達吳登輝員穀額二萬石任其事者士商鄭長俾  
 陳克棟許鶴觀陳飛龍謝振燦當浙臺穀盡之時  
 米價翔貴人心惶惶知縣陶敦和與邑紳鄭蒲等議  
 乾運良策必迅速乃有濟酌派素封之家有海船等  
 前往購運費計既充舟楫亦便往返不致旬而千槽雲集米價頓平

# 堂院

養濟院即洪武五年設立弘治間知府汪鳳建院三所

一在西門外較場旁一在北門外郡屬壇旁

名清一

在北廂小坑頭

名驚

國朝雍正二年奉文郡縣建魯濟堂以收卹孤老病

及有瘋疾者邑有二處不另設

每名歲給口糧銀三兩六錢衣布銀五錢

四分零按季分給其銀於地丁正項支銷

育嬰堂在城北隅

國朝雍正二年奉文設立初在準提閣旋遷開元寺乾

隆十九年巡道楊景素重建

即今其屋宇二十四間

海澄公黃仕簡捐置

乳婦月給薪米工資嬰兒薪米口糧以年歲為差本府及七縣

定例每年各捐穀一十五石共一百二十石乾隆十八年海澄公黃仕簡捐平和縣西山等處租穀四百一十石一斗零又諸紳士捐助銀存七百四十兩交鹽商林興泮生息以供公需二十六年知縣吳宜燮以經費不敷倡捐銀二千六百餘兩除還借款墊用外尚存一千四百餘兩內撥一千兩充前七百兩交

林商生息所剩四百餘兩存庫充用又里人林繼捐  
田穀七石二斗漳屬七邑鹽商每年共捐番銀三百  
一十員龍溪稅當九十九戶每年共捐番銀二百九  
十七員華對牙戶每年捐銀五十員巡道楊景素  
記漳俗多溺女者余心爲惻然謂此非泣民者責耶  
爰集郡縣諸長謀所爲收恤計乃建育嬰堂如京師  
吳會諸地例官出俸錢倡始率爲常海澄公復以  
其田一十八石有奇歲徵穀四百一十石零佐之紳  
士捐助者若干人始饒於用堂之建也因海澄公廣  
屢一區在治東隅葺而新之背陰向陽八大門東行  
百餘步作小室三間向北爲二間置東西房供役者  
在焉中作正堂復置兩房職事者在焉後堂三間亦  
如之續以廂房其後橫列小屋五間共東縱排九間  
皆育嬰之乳婦在焉北空其地縱五丈橫十餘丈爲  
嬰兒游戲之所內外嚴肅收養有方旣已刊立事宜  
一册著爲成規溯厥初以義倡始聞風者捐資成而  
落之職事者吳元輝郭元薰等二十四人行之期年  
漸有成教皆與余同一苦心者也夫觀察斯土而民  
猶忍於戕其所生誰之責耶既又率同心諸君與  
成茲事心欲樹之貞石布厥嶺南以垂永久凡登官



附姓氏金資費若干  
數俾覽者知所從來

# 南長生堂在南廂

國朝雍正八年里人陳宸綸等公建先是雍正二年陳  
震綸吳君興柯元卿吳營生等購地置義塚七所後  
復立長生堂置市舍二區歲收其入以爲脩橋路施  
棺槨金義塚時祭諸費乾隆十九年橋及市舍俱圯  
於水吳君興陳應麟等募捐重建應麟更置市舍二  
區復歲募紳士捐施棺槨以給貧不能喪者  
東長生堂在東郊二里許初在祈保亭

國朝雍正四年里人吳龍章林福臨周河等募建後以

地湫臨陳國祿減屋值改為堂予飛龍復捐貲成之

其棺槨之費係各紳士捐施無定額

江府蔣允焄記  
畧漳上多慷慨

尙義之士際茲承平之世累洽重熙四民安享樂利數十年來廢者舉

墜者脩文物規制燦然美備而經營創建關於生死

之大者惟育嬰長生二堂育嬰之建始於官其出入

經費官主之長生之建則始於紳士其出入經費厥

惟紳士主之稽建堂之由肇自雍正四年公同施棺

乏厥會所周君泓出募同人爰襄斯舉其地則陳封

君國祿所購價千金因同人請收值之牛復捐白金

施為堂所土木之費浩繁嗣君飛龍捐貲協力募緣

以成其績其他聞風捐輸不論多寡哀集以為出閱

五載有奇鳩工集事則周君實總其成余奉命

來守斯土耳治其事已心識之因履其地繞水面山

堂廡秩如周以垣墻果木森如仕僧供奉大士相

莊如積棺待施充如幾如始嘆所見勝歟所聞秀贈

以渡世慈航之願夫利濟之術多矣苟力不從心亦

有無可知何之處斯堂之施棺外事庀材半實墜

予者無心受者有節意人可見懷愧尙義漳  
士淳風而慈祥惻怛之誠忘人誤而移人至也

### 義塚

宋紹興間郡守劉才邵卽城北瘞骸爲二大塚命曰魯  
同嘉定中郡守危稹更作三塚於南山後於北門於  
中峰院大可容百數十墳自爲碣石誌之明成化閒  
知府姜諒諭屬邑各創立義塚龍溪凡一十五所一  
在東門外雙節廟後一在西門外金峯上一在南門  
外下路邊一在北門外草亭一在十一都亭尾山玉  
石巖前一在十二三都塘北一在十二三都梧淇塘  
上埔一在二十一都雙路口一在二十一都天寶市

後一在二十二都黃柑寶壽院邊一在二十三都  
同浮社海印寺山下一在二十六都豎洛山一在二  
十七都馬岐山一在二十八都興福山東一在二十  
九都四方山下正德閒知府陳弘謨命民收埋骷髏  
於西望高山下里人林魁置二十九都蔡塘社一所  
嘉靖閒部斷葬採寶壽院勾糧僧山七十二崙在三  
峯等處隆慶閒郡守羅青霄創漏澤園一區於南山  
寺後知縣沈昌期改建於四民山西埔萬歷閒署府  
推官龍文明沒入豪民謝必承影占山埔一所在金  
峯山東偏充爲義塚天啓閒里人土志遺置大小三

十崙爲義塚在二十二都土名石坑壠浦坑蜈蚣山  
蚯蚓案半嶺亭尖大帽馬鞍石石鵝土地公坑壠內  
牛石頭巖崙石塔石梯風門等處崇禎閒里人黃莊  
孝置二十九都上社一所林木軒置二十九都下京  
社一所又里人鄭崑貞李懷聰分置十二三都埔尾  
山上下各一所僧三梅置二十九都黥井一所韋指  
揮女置雙路口一所

俗呼小  
姐塚

朝順治閒監察御史朱克簡置北門外南門外新村  
二所里人陳常夏置二十九都龍江山及巖前山一  
所壬辰圍城中死者甚衆里人李耀宗使僧聞曉遍

收骷髏七十三萬火葬於城南爲同歸所又里人  
呂子於是置二十三都南坑山一所縣知縣曹  
家甲置北廂日照巖江東三所里人張雄置北門外  
赤山南門外南青塘二所呂仲孝置二十三都公  
母林山一所郭益置二十八都榴山寨一所雍正間  
里人林域置十一都浦邊山一所陳宸綸等置庵堦  
九寶嶺山亦岑嶺頭山磨埔新村巖亭後七所乾隆  
間里人黃可潤置二十九都林裡社一所陳士廉置  
宋坂山一所此歷代捐地置塚之大畧也顧自宋迄  
今歷年旣久或蕩爲墟或夷爲田有不能名其處者



乾隆十一年知府金溶委典史陳无德查丈四廂及近都義塚共四十七所勒石紀之而遠在各郡者未丈也為詳其地著於編

雙節廟後塚

縱二十五号  
橫四十三号

赤埔塚

縱八十四号  
橫二十六号

東嶽廟左塚

縱一百三十二号  
橫自二十七号至五十五号有差

吳坑壠塚

縱八十号  
橫七十号

山狗墓塚

縱二百三十四号  
橫四十五号

打鐵塚

縱四十二号  
橫四十一号  
山後縱四十号  
橫四十八号

以上俱東廂

後山連接彌勒肚塚

縱七十五号  
橫一百八十一号

鳳高山西塚

縱一百三十五号  
橫二百七十号

院後尾山塚 縱一百五十二号 橫一百七十七号

以上俱西廂

蔣厝墓塚

縱一百四十号 橫四十号

竹仔圍塚

縱三十六号 橫六十号 有差

二十五号至八号有差

竹仔林塚

縱六十四号 橫十四号

南峰山塚

縱一百七十号至七十四号 有差 橫六十号至三十九号 有左

以上俱南廂

鳳圍頭傅厝圍塚

縱三十一号至十七号 有差 橫六十四号至三十六号 有差

公孝山塚

周七百六十三号 直二百七十八号

北聖塚

縱一百八十八号至七十八号 有差 橫三百六十号至二百八十号 有差

鳳高山塚

分東南北三面 縱一百一十号 橫一百一十号 有差 縱四百一十号 橫四百九十号

一門南面縱三百九十号橫四百号

白赤山塚縱一百号橫九十二号

鸞頭塚縱三十二号橫五十七号

以上俱北廂

高尾山玉石巖前塚

仙門嶺塚

嶺頭亭塚

橫山龜子塚

象坑塚

南山後塚

安鄉塚

蓮池前塚

浦邊山塚

以上俱十一都

石碑塚縱五十七号至三十七号有差橫二百七十七号